

南平縣誌卷之末

原誌序

天下事有視之似爲可緩之舉而實爲政治名教之所必須者邑乘是也攷古輿地之志如禹貢一書其紀唐虞幅員尚已迨周大司徒掌天下土地之圖以周知廣輪之數而職方氏所載尤加詳焉秦漢以降誌地里紀方輿者無慮數百家而天下郡邑因之有志者凡以志其山川土田人物風俗以供輶軒之采而爲文獻之徵也洪惟我

南平縣誌

卷之末

原志序

一

皇上文教誕敷東漸西被海隅日出之鄉其歌太平頌有道者殆七十餘年矣近奉部檄飭直省郡邑各志或修或補務得耑書者豈非以禹跡所窮萬邦繡錯事極洪纖固國志所不能盡載而舉凡撮要非郡邑各志其志不足以脩采錄而摭摭緝乎延南平爲郡附郭志隸於府向無成書邑令舜一朱君雅志修明一奉檄而喟然嘆興曰是邦乃楊羅李朱四先生倡道之區鄒魯

爲綱者亦亦字誤當是數目字爲目者四十有二釐爲六卷與凡例第一條所載舊志二十五卷數目不符未知何處錯誤今因重校特爲批明以俟查考

一脈風流未墜不獨全閩諸志不可無南平卽天下之聞風景仰者亦欲得南平之志而攷之以求四先生之所以守先而傳後者志其曷可以緩爰闢局庀物延碩彥以事纂修旣於郡志所書存者存之闕者補之求故帙詢軼事爲綱者亦爲目者四十有二釐爲六卷而以序請余余思今之爲吏者大都以簿書期會爲急而詩書風化之迹微矣圖藉之存廢不加修闕不知補甚則並其存者而度置毀滅之其能究心文

南平縣誌

卷之末

原志序

二

獻而圖其不泯者蓋亦寡矣間有之又患其不知要閒文粗迹泛然並收小得大遺於政治名教無所裨益故有圖志具在而知言者病其荒略視爲故紙而不屑觀者凡以此也是志搜羅采剔詳不冗簡不畧大書特書正合史氏家法可以法於今而示於後則賢令尹之留心文教以振興道學名邦之風洵有加人一等者布政優優吾知其所建立當無有不得其要者矣故因其請而樂爲之叙

大清康熙歲次戊戌孟冬延建邵道按察司僉事加
一級遷安劉冲撰

序

志史例也史家體裁各異而郡邑之志因之編
年紀事者本之春秋及司馬氏而表志傳記則
準之馬遷班固諸書要在文直事核信今傳後
以成一邑之史以上脩輶軒之采而已邑之有
志顧不重哉第是閩故事首邑皆稱附郭其志
悉隸於府而不自爲書是以畧而未詳其爲夏

南平縣誌

卷之末

原志序

三

五郭公闕者亦實甚焉丁酉春余承乏茲土旋
奉 部檄以內閣移取之文飭各邑修補厥志
余思徵文考獻有司之責也其曷弗任爰諏日
啟局延三長之士以明經鄒君廷機翁君兆行
茂才楊君譽施君晉共董其事而復以學博周
吳二君時與往來以相參酌于是稽政於官問
俗於野撫遺於斷簡殘碑振幽發潛補忘訂訛
續其新而去其不必載而山川風物時事之變
遷者幾何吏治官守宦蹟之可傳者幾何公府

學校規制之所以沿革者幾何丁徭物產世代之所以成衰者幾何他若科目爲文獻之傳節孝爲風厲之本例目雖多考核必脩迨三閱月而書乃成予受而裁焉因思吾邑爲全閩咽喉其山高以秀其水冽以清其人多朴質而尚知絃誦自楊羅李朱四先生以道統開理學之宗至今環海內外言大儒者以閩爲首稱焉噫盛矣乃數傳而後以文章科目聯翩而顯當世者雖或時有然而近亦少衰矣是豈人傑地靈獨

南平縣誌

卷之末

原志序

四

鍾於古而嗇於今歟抑亦人事之未修而振興尙或有待歟夫事不師古匪克攸聞而觀乎人文乃以成化以予觀志中所載仕遺甘棠之思儒懷君子之行而閨閣之流節烈時聞文翰之英所在多有是仁義禮智之良尚未泯於人心而詩書禮樂之迹今猶可作而致也吾願覽斯志者鑒余與二三君子大書特書不相假借之意而相爲警惕相爲願慕革薄從忠以厚其風俗而敦於古處於以脩太史之陳風爲秘府之

采擇不亦山川增麗雲物光輝以與四先生理學之名並垂不朽哉是則余企望之心而慎重纂修之意也夫是爲叙旨

皇清康熙五十七年歲次戊戌季秋知縣事三韓朱夔撰

郡邑有志昉於禹貢及周禮職方而班孟堅因之作十志其後代各爲書邑有載郡有紀皆命曰志凡以記其風土考其方輿蒐羅舊聞闡發遺微其意大畧與史同然史氏褒譏並用而志

南平縣誌

卷之末

原志序

五

則善者詳之惡者闕焉又與史稍異也夫載紀則廢興因革之必詳筆則激揚懲勸之互見郡邑之志亦曷可少哉然試取省志與郡志較其詳畧有間矣取郡志與邑志較其詳畧又有間矣繁則難周寡則易悉理勢然也南平爲延郡首邑而舊無特志志附於府府志所載事既從畧而後之執筆者去舊增新漸見刪除殘編闕文留傳無幾名區勝蹟魁人傑士湮沒而磨滅者何可勝道矧劍津爲有宋四先生過化之地吾

道既南文獻是徵則邑志之修自不可已襄平
朱君來蒞茲土見邑乘闕畧慨然以修輯爲己
任剋期啟局進邑中人士相與諮諏博訪網羅
採擇彙集成書捐貲付梓剞劂方半而朱君以
廉能擢調諸羅余不敏猥承其後時屆三秋志
適將竣余續成之雖紀載風俗詳畧不同沿革
損益因時互異而此志攷核精微纖毫闡晰山
川風物可得披卷而校體國經野可得按藉而
稽其間謳吟傳記茂績仁風疇昔之名臣賢士
南平縣誌

卷之末

原志序

六

文章功業灼然可觀豁人心目俾後之來仕茲
土者未諳此邦之政事先閱是志因地制宜興
利除弊有裨政職豈淺鮮哉余既喜朱君之能
力任其事而余又樂觀厥成也爰弁數語于其
端亦以見邑乘之廢與初非無關係之務云爾
昔

大清康熙五十八年歲次己亥仲冬月知南平縣事

固陵文國繡謹序

南平邑志續修於嘉慶庚午楊君桂森迄今將六十年矣同治丁卯冬予忝攝茲篆求邑志板不可得戊辰春 學博齊君履仁張君 筠抵任談悉邑志板存學內由義齋迭遭兵燹缺而不全爰稟商

道府

憲

趙周

慨然有重修之志旋聞卸任信因浼

張齊

兩

學博檢點缺失者僅二十八篇卽付剗齊君精繪事並請添繪總圖一分圖四刊刷分佈用誌其緣起如此

知南平縣事端州陳培桂謹識

南平縣志

卷之末

序

七

南平縣志跋

志莫大於一統而一統志之作實合直省府州縣志以總括之故縣雖小莫不纂其天時地利人事物產以成徵信之書而備輜軒之採志之所關不甚大哉南平縣志創自康熙戊戌修於嘉慶庚午越今同治辛未六十有二年予於是秋九月握篆是邦覓志不可得詢知戊辰刷後原板被虫蟻蛀殘百餘片不能復刷久之乃覓得原本全部其內亥豕魯魚之訛不可勝計卽

南平縣誌

卷之末

跋

八

擬設局重修因經費浩繁驟難籌欸爰稟商本道鍾康侯觀察

本府徐少青太守先將原板檢點殘缺措貲補刊並請學博陳君升三徐君敘模重行校閱業經更易訛字五百有奇旣而陳君卸篆石君鳴蒞任復請與徐君續加讐校又經改易訛字一百有奇而徐君尤始終不倦半載以來總校全部四十二卷誤者正之贅者刪之遺者補之其有疑義而未便擅動者亦皆分別討論加批於

上是今日之重校雖未能旁搜博採續纂全書
而辨皙各條已足備他日重修之一助矣至督
刊監刷則邑紳劉君大紳董其事云

同治壬申季夏知南平縣事皖南潘文鳳敬跋